

2001-12-01
kioskoa**Eneko Bidegain**

Jarrera desberdinak

Bi jarrera desberdin ageri dira Bidasoaren alde bateko eta bertzeko egunkarietan, ETaren jarrera dela eta. **El Diario Vasco**-ren iritzi, Paue ondoan gertatu tiroketak —atentatutzat jotzen du— «frantses iritzi publikoa hunkitu du, Euskal Herriko eta Espainia gainerateko eguneroko bizian ikara eragiten duten atentatu salbaien gisan». Frantziako prentsa idatziak ez du hori islatzen. Atzoko **Liberation**-ek ez zuen tiroketaz lerro bat ere idatzi. **L'Humanite**-k azken egunetan Frantziako polizia eta jendarmeen protesta giroarekin lotu zuen tiroketa, poliziek «hilabete sariak, lanorduak eta segurtasunaren arazo» mahai gainean ezarri baitituzte azken asteetan.

Frantziako egunkari gehienek gertakariari, polizien protestaldia- ren testuinguruaz aparte, Espainia-ko eta Hego Euskal Herrikoek bai- no garrantzia gutxiago eman ba- zioten ere, batzuk hasi ziren —**Sud-Ouest** bezala— «estrategia aldake- tari» buruzko galderen pausatzen. **Le Figaro**-k «jarrera aldaketa» ai- patu zuen. «Helburua inondik ere ez atxilotzea zen». **Le Monde**-k erakundearen barneko «agindu al- daketa» nabarmendu zuen.

Aldaketa ez da «ustekabekoa», **El Diario Vasco**-ren arabera, eta «1998ko su-etenetik landa euskal gatazkan Frantziako Estatua inpli- katzeko ahaleginak» gogora ekarri zituen. «Orain terrorismoaren ara- zoa ez da espainolen jabetza», zio- en editorialak. **Deia**-ren ustez, az- ken tiroketek Paris «Madrilen eska- era errepikatuei» erantzutera bul- tzatuko dute. «ETAren jauzi indar- tsuak amaitu behar duen gatazkaren irteera zailduko du» azaldu zuen egunkari horrek.

martintxo



hizpideak

Alde bakarreko erabakiak

Kontzertu Ekonomikoa berritzeko ne- goziazioek porrot egin dute, Espainiako Gobernuak Kontzertua luzatzea eraba- ki du bere kabuz, eta Eusko Jaurlaritzak bi aldeen arteko hitzarmenaren haustu- ratzat hartu du Madrilen erabakia. Krisi larria irudikatu dute bi aldeek, baina, al- di berean, azken unera arte negoziatzen jarraitzeko borondatea agertu dute.

Ondorio gutxi batzuk eta galdera ikur asko utzi ditu krisiak. Ondorio praktiko nagusia, Arabako, Bizkaiko eta Gipuz- koako ogasunek lehen zeukaten tresna berbera izango dutela Estatuarekiko harremanetarako, azken orduan beste- rik hitzartzen ez bada. Kontzertua bera ez dago arriskuan.

Negoziazioen porrotak utzi duen gal- dera nagusia, berriz, hauxe da: krisi po- litikoak zer bide hartuko duen. PPren estrategiak eta Espainiako Gobernu- a- ren jokaerak orain arte ohikoa izan ez duten jokalekura eramán ditzake Jaur-

laritza eta Jaurlaritzako alderdiak: Ma- drilekiko konfrontazioa, gatazka insti- tuzionala. Azken minutura arte nego- ziazio mahaira «torlojuekin lotuta» ari- tuko direla esan du Ibarretxek, eta hala egingo dute. Baina Madrilek lehengoari eusten badio —besteak beste Europar ordezkari- tza zuzena izateko aukerari ate guztiak itxiz—, gatazkari aurre egin beharrean izango da Ibarretxe.

Alde bakarreko erabakiei alde baka- rreko erantzuna eman beharraz hitz egiten hasiak zaizkio Jaurlaritzako koa- liziotik beretik.



Gastu soziala handitzeko eskatu du Elkartzen-ek, bazterketa soziala eragozteko.

Juan Jose Ibarretxe Lehendakari- tza- n, Kontzertu Ekonomikoaz hitz egin eta gero.



Oinarritzko errenta eta gastu soziala

Oinarritzko errentaren aldarrikapenaren inguruan ari da lanean Elkartzen plataforma. Atzo, Hego Euskal Herriko administrazioek egiten duten gastu sozial eskasa salatu zuen plataformak. Elkartzen-en arabera, bazterketa eta txirotasuna bultzatzen dute Hego Euskal Herriko administrazioek euren aurrekontuekin, egiten duten benetako gastu soziala %40koa delako soilik, nahiz eta administra- zioek %70 inguruko datua eman. Elkartzen-ek azaldu duenez, administrazio horiek zerga bidez bil dezaketena- ren %25 jaso gabe uzten dute, besteak beste hobari fiska- len aplikazioengatik. Ondorioz, gutxiago biltzen da, eta esaten den baino gastu sozial gutxiago egiten da, desber- dintasun sozialei konponbidea emateko baliabideak mu- rrituz.

Eskoziarekin parekatzeko eskaerak Galesen

Galesko Legebiltzarrak egun dituen eskumenei eutsi be- har die, Erresuma Batuko Galeserako Estatu idazkari Paul Murphyk esan duenez, herritarrek ez dutelako bote- re handiagorik aldarrikatu. Bestelako jarrera dute, ordea, Galesko Plaid Cymru alderdi nazionalistak eta Murph- y- ren alderdikide zenbaitek. Eskumen legegilea eskatu dute laboristek, eta horrez gain zergak ezartzeko ahal- ere bai nazionalistek, Eskoziarekin erabat parekatzeko.

Datorren urtearen hasieran Erresuma Batuko Konsti- tuzioa berrikusiko da, Galesko Legebiltzarrak orain arte egindako lana aztertzeko. Baliteke orduan ahots gehiago altxatzea Alderdi Laboristan bertan. Gales eta Londresen artean arazoak saihesteko aukera emango luke botere le- gegileak, Alun Pugh laboristak EGUNKARIARI esan dionez.

Egunkaria euskaldunon 3.413. zenbakia

Ohorezko Lehendakaria: Martin Ugalde

Administrazio Kontseiluko Lehendakaria: Joan Mari Torrealdai

Kontseilari Ordezkarria: Iñaki Uribe

Zuzendaria: Martxelo Otamendi

Gerentea: Mikel Sorozabal

Publizitatea: Idoloia Sanz

Egoitza Nagusia: Gudarien etorbidea, z/g 20140 Andoain Tel.: 943300222
Erredakzio faxa: 943300255-943590354 Publizitateko faxa: 943300707

Webgunea: www.egunkaria.com

Posta elektronikoa: egunkaria@egunkaria.com

Publizitatea: publi@egunkaria.com

Batzorde Parekidea: 72664 E. Lege Gordailua. SS 800/90 ISSN 1134-640X
OJDK IKUSKATURIKO HEDAPENA

ORDEZKARITZAK ■ **Araba:** San Antonio, 20-1 ezker. 01005 Gasteiz
Tel.: 945233872 Faxa: 945233873 Publizitatea: Tel.: 945131965

Nafarroa: Irabie Monasterioa, 45-13. esk. (Irritzi dorrea) 31011 Iruñea
Tel.: 948178078-79 Faxa: 948178077 Tel.: Publizitatea: 948176686

Bizkaia: Egia Jenerala, 3-behea. 48010 Bilbo Tel.: 944104046 Faxa: 944103715
Tel.: Publizitate Orokorra: 944701199-80 Publizitate Lokala: 944701114

Lapurti, Nafarroa Beherea, Zuberoa: Pelletier 35, 1 503 Posta
kubxatila, 64100 Baiona Tel.: 559593575 Faxa: 559257511